

Des liures inutilz

Le premier fol de la nef suis
 Les voiles regis de ma main
 A liures auoir me dedups
 Lesquelz ie ne voy soit ne main
 De ceulz que iay leuz fais dedain
 Du ne les entenz. somme toute
 Tel cupde bien scauoir qui doute



Le premier suis en la nauite
 Les cordes ie tourne ie vire
 Je suis des compaignons vagans
 Je suis des grans folz nauigans
 Sur la mer du monde parfonde
 En sens et raison mal me fonde
 Et suis bien fol de me fier
 Et mon cuer et corps dediet
 En la multitude des liures

Combien que aux esperitz deliures
 Ne donne pas petit espoir
 Japete tous les iours de veoir
 Liures: lesquelz ne puis aprendre
 Ne la substance deulz comprendre
 Toutefois bien les contregarde
 Et en tout honneur ie les garde
 De pouldre et dimmundicite
 Car par grant curiosite
 Souuent mes poulpitres baloye
 La ou de doctrine tournoye
 Tous les iours disputacion
 Ma maison et ma mansion
 Est de liures resplendissante
 Desquelz veoir ouuers me contente
 Me confortant veoir seulement
 Mes grans volumes vainement
 Sans en comprendre mot en somme.

Ptolomeus qui fut riche homme
 Constitua quon sup serchast
 Par le monde et quon sup trouuast
 Liures excellens bien exquis
 Lesquelz quant ilz furent tous quis
 Pour grant tresor les maintenoit
 Et toutefois il ne tenoit
 Lenseignement ne la doctrine
 De la sapience diuine
 Combien que sans celle ne peust
 Quelques liures que lors il eust
 Riens de la vie disposer
 Ne chose de bien composer
 Qui luy fust pour lors incolume
 Comme leu iay en maint volume
 Du ie regarde bien petit
 Et en passe mon appetit
 De veoir seulement la verdure
 Dont est taincte la couuerture
 Car ce seroit a moy folie
 De mettre tant mon estudie
 Es liures et leurs diuers sens
 Due apres ien troublasse mon sens
 Car cil qui trop scauoir procure

Ptolome⁹
 philadelfus
 cur⁹ memi-
 nit ioseph⁹
 li. xij.